

ادبیات عمومی و خبری

هفته لقی سیاسی ، ادبی و علمی غزته در :

جلد : ۱

سنه : ۱ ۹ جمادی الاولی ۱۳۳۵ جمعه ایرتسی ۳ مارت ۱۹۱۷ نومرو ۱۸

سلیمان نظیف بکک اسلوبی

بالذات نظیف بکدن طویدم : شعرای اسلافز ایکی قسمدر : طوغریدن طوغری به ایران سرآمدان نظمندن اقتباس صنعت ایدن اعظم ؛ برده بونلردن اتخال هنر ایدن ایکنجی درجهده شاعرلر . یعنی اولکیلر طوغریدن طوغری به حافظلردن ، سعدیلردن ، فردوسیلردن ، انوریلردن ، الخ ، دیکرلری ایسه طولایسیله ینه آنلردن مستفیض اولانلردن . نظیف بکک برنجیلره تابعین ، دیکرلرینه تبع تابعین دیمک ایستیور . ینه بالذات نظیف بکدن طویدم : کندی اسلوبنک رونق بوله سنده اک زیاده عجم شاعر ومنشیلرینک مطالعه آثار ی بیوک بر تأثیر اجرا ایشدر .

ینه کندیلرندن طویدم : نظیف بکک اسلوبنه ، افکارینه غریبلر ایچنده اک زیاده [ویقتور اوغو] اجرای نفوذ ایشدر ؛ علاوه بر زده شونی سویله لم که علی العموم رومانیکلره سلیمان نظیفک باشی خوشدر .

[پهرلوتی] نك فرانسهده [روشفور] ده کی ویلاسنک ، بویللانک ایچنده کی صالونلرک ، مفروشاتک رسملرینی کورمش ایدم . ظن ایدرم ، بونلرک نسخه اصلیه سی رشاد فوآد بک افندیبنک نزدلرنده در : آفرانغه بر صالون ، لبالب آلاتورقه اثاث ایله ، یانلر ، دیوانلر ، شامکاری ماصه جقلر ، ناریکله لر ، لوحه لر ، تسبیحلر ، شالرله طولو . بو ، بتون بتون آفرانغه دکل ، چونکه اولانجه مفروشات و مزیناتی شرقدن کلش . بوتون بوتون آلاتورقه ده دکل ، زیرا اولانجه Confort moderne ایله مجهز : تلفونی ، آسانسوری ، آلفتریک ، آلفتریک چینغراغی ، صیجاق و صغوق آقار صوبی ، الی آخره ، هپ موجوددر .

سلیمان نظیف بکک آفرانغه به کچ انتساب و تردد ایتدیکنندن ، تلفظنده بر خصوصیت اولانلر کی ، طوغریدن طوغری به اساتید ایرانک خلفی اولدینی حالده وهله ابتدائییه ده جعلی ظن اولونه بیله جک آفرانغه لقلره مالکدر .

مجارستانده [اورشوه] نك قارشیسنده ، سلطنت سینه نك طونه اورته سنده عظمت تاریخیه سنک بریادداشتی اولان [آطه قلعه] وار . بو اوفق جزیره نك اوکندن کچلدیکی وقت ، بر طرفده ، بتون لوازم وعناصر جدید مدیه سیله بر غرب شهری ، دیکر طرفده ، آلقاق خانهلری ، متواضع میدانیقلری ، کوچک بر جامع شریفی ایله بر آسیا قصبه سی نظر حیره چارپار ، سلیمان نظیفک اسلوب بیانی عینله بونک کیدر .

لب بر لب

جوئی زماندن جدا یاشارکن بن

ذوق و طبع شباب پر هوشه

آجدی روجده پنبه بر گلشن

لب حشکله ویردیکه بوسه

شیمدی بر جنت غرام وار

که بتون نشه دن ، محبتدن ،

بر جهان پراپتسام وار

ذوقدن ، خنده دن ، سعادتدن .

نه اولوردی شو خر خویاده ،

هپ شو آغوش خار سوداده

عمر من کچسه کریه سز ، غم سز ،

شاد و پر خنده بویله هر ایکیمز

طبق قوشلر کی سوشه ک هپ ،

یاشارهق هر دقیقه لب بر لب .

تقریر ثانی ۳۲۵

م . رشیدی

اسکی زمانده بر ضیافت

بقی درویش محمد پاشا فاج علتنه مبتلا اولمش ، امور و معاملات حکومته باقه منبر حاله کلشیدی .
 حصاد رابع پک سودیکی ، و عمری اولدجه صدارتده ابقا اتمه یی وعد ایتدیکی وزیرینی بو درد دوا
 تا پزیرندن طولای تبدیل ضرورتنده قالدی . صدارتی مراد و ملک احمد پاشا لره تکلیف ، و فقط
 هرایکسینی ردایله مقابله ایتدی . ملک احمد پاشا و سرای منسوبینی او مقامه برینی مناسب کورپیوردی :
 ابشیر مصطفی پاشا ! خوشونت طبعی ، صوفیلنی ایله اشهار ایتمش اولان حلب والیسی جهالتی
 و عبادتیه ده معروف ایدی . فقط اوزماننر صدارت مقامی جاهل ، جریض ، منفعت پرستلر طرفندن
 متادیا اشغال اولنیور ، هله سرای خلقی بو مقام عال العاله منفعتلرینه کساد کتیره جک ذاتک مملکتیه
 خادم اوله جفته قناعت موجود اولسه بیله کلسنه راضی اوله میوردی . ایشه بو مقامه اوزمانه کوره
 مثبت تلقی اولنان شرائطی جامع ابشیر پاشا مناسب کورلمش ، و (مهر شریف) میراخور محمد اغا
 وداعتیه حلبه کوندولمشیدی .

ابشیر پاشا، مهر شریفه نائل، و مقام صدارته واصل اولنجه ایلک ایشی اولکندن زیاده بر عظمت پیدا ایتک، و کبر و نخوتی یوزندن بورنک اوجنی بیله کورمه مک اولدی. فقط پای تخنک حاله واقف اولدینی ایچون استانبوله کیتمه یه، وظائف مودوعه سینه باشلامه یه بر درلو جسارت ایده میور، اناطولیده و مملکتک شوراسنده بوراسنده موجود اولان قاریشقلنی وسیله اتخاذا ایدرک اولری یاتشیرمقله مشغول اولیوردی. فقط حلبدن باشلایان، اناطولینک دیگر برلرینه انتقال ایله یین اجرا آتی هرکسی، حتی سرای رجالی دخی داخل اولدینی حاله پایتختی بیله تدهیش ایتمه یه باشلادی. رجالک بعضیسی جلالیره التحاق ایده چکنه قدر قائل اولیورلر، فقط هر حاله استانبوله کلسنی، اوراده ده اجراءت شدیده یی تطبیق ایله مسنی موافق احتیاط بولیورلردی. بوقیل وقال ذات حضرت پادشاهی یه قدر عکس ایتدی، صدارتک تبدیلی و او مقامه مراد پاشانک کتیرلسی بیله موضوع بحث اولدی. تکلیفی پاشانک رد ایتسی سرایده بر پاطریدی یی انتاج ایتدی. اولدیرلسنه رمق قالدی. بونکله برابر مراد پاشا اصرارله رد ایدیور، ابشیر پاشانک صدارتی محافظه ایله مسنی شدتله ترویج ایلیوردی.

ملک پاشاده ابتدادن بری پاشایه موجود اولان ارتباطی یته محافظه ایدیور، فقط بر طرفندن ده ملکی خاتونه بر منزل تملیک ایله مک صورتیه صدارت قائم مقامنه نائل اولیوردی. آنجق اوصره ده صدارته کچنلرک رقباسنی اورته دن قالدیرمی عادتاً اصولدندی. باخصوص ملک پاشا خلقی سیاوش پاشانک «جمله دن ملک آلق، و خاطر نفسی ایچون وزرا پایه سنده کی آدملری برر برر قتل ایتدیکنی و (حمد خدا جمله دولت بکا منحصر قالدی) دیدیکنی» پک اعلا بیلور، بو دفعه ابشیر پاشا طرفندن وجودینک اورته دن قالدیرلسندن متلاشی بولیوردی. کرچه ملک پاشا ابشیرک قدیم دوستلر ننددی. فقط رقیب موقعنده اولدینی، و کندیسندن صکره تکرار صدارتی اشغال ایله مسی محتمل بولدینی ایچون دوستلنی آیاق آلتنه آلمسی اغلب احتمالدن ایدی. بونک ایچون ابشیر پاشایه عرض صداقتی موافق بولدی. مراد پاشا بیله بوکا لزوم کورمش، پاشایه بر مکتوب کوندرمشیدی. احمد پاشا وزیراعظمه صداقتی توابعندن سیاحتنامه سیله ابقای نام ایدن اولیا جلی واسطه سیله عرض ایدیوردی.

جلی بو وظیفه سنی شویله نقل ایدیور.

«اسکدارده عجم نام منزجیدن بارکیر آلوب، توکلت علی الله دیوب اول کیجه ککبوزه یه آندن قالقه رق اول کون اول کیجه قرق کچیده چکدیکم زحمت و مشقتلری والام و شدائی خدای متعال مالطه کفارینه دخی ویرمسون»

موسم قیسه مصادفدی. و شدتلی بر صغوق حکم فرما ایدی. قرق کچیددن کچرکن بارکیر دوشمش، چلبینک باشی یارلشیدی. دوشه قالقه واردینی ازینقده دینچ حیوان تدارک ایدرک، ولفکه طریقیله سکوده، اوراده تکرار حیوان دکیشدیره رک اسکی شهره و صکره صره سیله سید غازی، خسرو پاشا خانی، لادیک، قصبه سنی کچه رک حرکتک آلتنجی کونی قونیه صحراسینه واردی. قره آبازه حسن پاشانک دلالیله ابشیر پاشانک حضورینه چیقدی. پاشانک دست شریفنی بوس ایتدی. و بینلرنده شویله جه مکاله باشلادی.

— «اولیا خوش کلدک. بز سنکله واردار علی پاشا سینه سندن بری کوروشمدک»

استانبولدن چیقالی قاچ کوندر؟

— سلطانم بش کوندر اما غایت قیش چکدم .

— دولت طرفنده نه وار نه یوق ؟

— بای وکدا ، پیر و جوان ، خاص و عام سلطانمك شرف قدوميله مشرف اولمغه منتظر لردرم .
 خصوصاً ملك احمد پاشا قرده شکز « آه ، اوسلطان مراد افندیك چراغ افروخته سی ونظر کرده سی اولان قرانداشم کلسه «دیه سلطانی بکله مکده ، بو مکتوبلری کوندردی دیدی . واطلس پوشیده لی یتیش مکتوب تقدیم ایتدی . بویتمش مکتوب اوزمانك اك معروفلری طرفندن برای صداقت پاشایه یازلمشدی . اك معروفلری شونلردی . ملك احمد پاشا ، قپودان دریا قره مراد پاشا ، مفتی ابوسعید افندی ، مورعلی دفتردار ، قوجه ناشیجی ، دارالسعادة اغاسی ، شامی زاده .
 کاتب جلبی بومکتوبلری ابشیر پاشایه کوتورمك ایچون ارکاندن و مکتوب صاحب لردن تمام ایکی بیک یتیش اوچ آلتون هدیه آلمش ، ابشیر پاشا امریله خزینه دارندن ده بووظیفه سینه مقابل بر سمور کورک ، برقات لباس ، برکیسه غروش حمام اچمه سینه نائل اولمشدی .

یدی کون ویدی کیجه دوام ایدن مدت اقامتنده جلبی ایله پاشانك مکالمه لری هپاستانبوله ، وماموریتك صورت تلفیسنه دائر کچمش وبالخاصه مراد پاشا ایله یکیکچریلرک صدارتی مناسبتیله شب شکوه ایدرب ایتمدیکنی صورمق اولمشیدی . جلبینك پاشایه ویردیکی جوابلر اطمینان بخشیدی ، پاشاده بوندن ممنون اولمشیدی .

اوزمانده بالخاصه یارانق مقصدیله ژورنالچیلق ایتك موده اولدینی ایچون مورعلی دفتردارك صدارتی اله کتیرمك امیدیه ذات شاهانه یه ایکی بیک کیسه رشوت تکلیف ایتدیکنی پاشایه خبر ویرمشلر ، ودها بعض شیرده سویلشلردی . اولیا بونلری قسماً تصدیق ، قسماً تکذیب ایتدی . فقط صدارته اك زیاده ملك پاشانك طرفدار بولندیغنی وصدارته مظهریتك حضور پارشاهیده ده . شیخ الاسلام ابوسعید افندی ایله برلکده مدافعهلری نمره سی اولدیغنی تفصیلاتیله اکلاندی . بوندن ده مقصدی حامیسنه موقع تأمین ایتکدی . نهایت طرف پادشاهیدنده صدراعظمه دعوت کله یه ، پای تختك دها زیاده وزیر اعظمسز قالمسی مناسب اولیه جنی ایچون نه یپارسه یابارق بر آن اول عودت چاره سینه باقمه یه دائر امرلر ورود ایتیه باشلادی . بونك اوزرینه پاشا استانبوله طوغری کلیور ، رشوتله تبیین اولنانلری برربرر عزل ، واطرافنی قاصوب قاووریوردی . بویله جه صدارته تعینتک یدنجی آینده اسکداره کلدی . وامثالی کورولمه مش بر آلايله مقامی تشریف ایتدی . ملك پاشا ایله قبه آلتنده امور ومصالحی کورمه یه واحمد پاشایی یانندن آیرمما یه باشلادی . اوچ کون بویله دوام ایتدی . دردنجی کیجه بیلم قاچنجی دفعه اوله رق ملك پاشا بر رؤیا کوردیکی صباحین صلات جبری متعاقب (یس) شریف تلاوت ایدن اولیا جلبی یه سویله دی . کوردیکی رؤیا شو ایدی . « بو کیجه رؤیامده سلطان مرادی کوردم . النده بری خاص دیکری طوطخانه اولق اوزره ایکی صومون اتمك واردی . احمد بوصومونی کوردکی خیل لند نان پاره در . بونی کردستانلی بر آدم ، پیشیریر بو اتمکی بر کره ابشیر اوکرده دن ایستدی . او آدم ویرمدی . اما غایت لذت اتمکدر . بر کره سکا وانك ایچ قلعه سنده بویله بر نانپاره ویردم . آل ، امدی بو دخی اویله بر نانپاره در صفای خاطرله تناول ایدوب منصور ومظفر اول دیه الله اونانپاره یی ویردی . دست شریفی پوس ایدوب پادشاهم بو اتمکه قان بولاشمش نیجه تناول اولور دیدم . اول قافلی پاره دن قزم اسمه خان . قیا خاتونکه کوندر . یقایوب تناول ایتسون و بر پارچه سنی بتلیس خانه ویر ماعداسنی سن یه .

بیوردیلر . عجب واقعه در خیر اوله ، بونی ینه ملک پاشا کندیسی تعبیر ایشدی . الله اعلم سعادتلو پادشاه وان ایالتی بکا توجیه ایده جک ، زوجهم سلطان شهیداً وفات ایلده جک ، بتلیس خانیه طوتوشه جنی برخریده خان اتلاف اولنه جق ، صکره کندیسی ده شهیداً ترک حیات ایلده جک . ملک پاشا اولکی وویالرینک تعبیر ایدلدیکی کی جیقدیغنی کوردیکی ایچون بونک ده تحقق ایده جکنی تخمین ایلده مش ، وقضایه رضادن بشقه برچاره بولمادیغنی ده سویله مشدی .

اولنا جللی قسم ایلده تأیید ایدرک دیوزکه « بواقعه فی بوکونه تعبیر ایتدیکنک ایرتسی بر محشم ابشیر افاسی بر قطعه خط شریف و بر قطعه بزیغ ایلده کلوب بی باک و بی پروا پاشانک خلوت خانه سنه کیروب خط شریف و امر پادشاهی بی صوندی . »

فرمان پاشانک وان ایالتنه تعین ایدلدیکنه و علی العجله مأموریت جدیده سنه عزیمت لازم کلدیکنه دأثردی . پاشا فرمانی اوپدی . وامره مطاوعت ایلدی .

* *

امره تبعاً ملک احمد پاشا استانبولدن حرکت ایشمش ، محل مأموریتنه کیتمشدی . اومره ده بعض غزالرده بولوندی . موفق ده اولدی . راقوچینک ممالک اسلامییه اولان تسلطی ده تاتار خانی محمد کرایک معاونتیه برطرف ایدلمش ، دشمن پریشان بر صورتده قاچمشدی (۱) . ملک احمد پاشا خان ایلده طانشمش ، خان طرفندن کندیسنه کشیده اولنان مکلف ضیافته پاشاده بر ضیافت اعطاسیله مقابله یه قویولمشیدی .

ملک احمد پاشا خانی دیوان افندیسی غنائی زاده علی افندی واسطه سیله آق کرمان صحراسنده ترتیب ایتدیکی ضیافته دعوت ایلدی . خان ده دعوت واقعه یه اجابتی وعد ایتدی .

ملک احمد پاشا خانه آق کرماندن جواهر و مرصع اکرلی ، جواهر رخت و غداره لی ، آلتون زنجیرلی بر سیاه کیلان آت ایلده استقبال ایچون کتخداسنی ، دیوان افندیسی ، قیوجیلر کتخداسنی کوندرمش ، و بونلره اوچ بیک پرسلان کیلان آتلی آغالرینی یتمش باوراق صاریمجه و سکبان ترفیق ایشمیشدی .

کندیسی ده یانیق قلعه سی جهته کیتمش ، خانک ورودینه منتظر بولمشیدی . خان دبدبه ایلده کلیرکن پاشایه ملاقی اولنجه آتندن ایندیر ، و پاشا ایلده اوپوشوب اغلاشدیلر . صکره قکرار آتله بیلهرک خان ایلده پاشا آت باشی برابر اولدیغنی و خدم و خشم ساثره آرقه دن تعقیب ایتدیکی حالدده یوله روان اوله رق محل مقصوده کلدیلر . خان پاشانک اوتاغنه آلدی . معیتی ارکانی ارکان ساثره یه ، افرادده تخصیص اولنان چادیرلره یرلشدیرلدی . مسافرلرک استراحتلرینه صوک درجه غیرت اولندیغنی کی لازم کلن خدمتلرینی کورمک ایچون ده ایجاب ایدنلر تخصیص قلندی . برمدت استراحتدن صکره پاشا خانک بولندیغنی اوتاغنه واردی . و بونک اوزرینه « تحت الفطور » نامنده ایکی یوز فغفوری طبق ، ممسک خیره لر ، املح ، کیاط ، کابلی ، هلیله ، کلبه ، شکر ، عنبر ، خیره بنفشه ، خیره زنبق ، خیره اطریفیل ، خیره متقاقل و یتمش عدد انواع ممسک خوش آبلرا ایچلادی . و مجوه لکن و ابریکلر ایلده اللز بیقاندی . قهوه ، شروب ، چای ویا دبانه ایچلادکن صکره کلاب ، و بوجورلر و یرلدی ، و پاشانک اشارتی اوزرینه خزینه دار طرفندن خانه عائد هدیه حضوره کتیرلدی .

پاشا — غزاک مبارک اولسون خانم، همیشه بویله غزالر ایده سک! خوش کلدک، صفا کلدک، پادشاه عثمانینک فرمانی ادا ایدوب دین دشمنندن انتقام آلدک دیدی. و باشنه بر ذی قیمت صورغوج شاهي صوقیدی، بلنه ده صونغور دمیرلی، مرصع و مجوهر قلیقلی قلیج طاقدی. بشقه جه ده برجواهر چارقاب تیرکش، برجواهرلی سلطان مراد قوشاغی، بر مجوهر مرصع خنجر، بر سمور کورک، بر قات دون و کوملکه وارنجه زراندوزر انوابلری حضور خانه قویدی.

قالقاي سلطانہ، نورالدہر سلطانہ، شیرین بکنہ، متصورلی بکنہ، سنجوت میرزالینہ، آتاقلرہ، اوت اغالینہ، خان وزیري سفر غازي آغایہ، یالی آغاسی اسلام آغایہ، دہدش آغایہ، قرش آغایہ، ابو احمد آغایہ سمور کورکار اهدا، زراندوزر خلعت فاخرہ لر اکسا ایدلدی. بونکلہده اکتفا اولونمادی. قره جی، وقبوقولی اغالینہ مرتبہ لی مرتبہ سنجہ خلعتلر اکسا، میرزالرہ زره کلاہلر، قلیج و تیرکشلر اهدا اولندی. یالکز اوکون اوچ یوز قوبون کباب ایدلدی، الی قزغان پلاو، زردہ، چوربا پیشیرلدی. تیش درلو یمک احضار اولندی.

تیش یرده سفرہ قورلدی. چیقاریلان صحرک عددی الی بیکہ بالغ اولدی. افراد ایچونده آق کرمان چایرلرنده کباب، پلاو، یحی طاعیدلدی. یدی کونده آتاق قلیج ییلاہ بیک یکی بر کونده یدیلر. تاتار عسکری بربرلینہ کیردیلر. بیکلہده قانادیلر. آرتانی قالپاقرینہ طولدیروب قغوشلینہ کتوردیلر. بونک اوزرینہ بوچاق تاتارلینہ، آت قولرینہ دستور ویرلدی، هپسی یرلی یرینہ کوندرلدی.

خانک معیتندہ ترخیص اولنلردن ماعدا سکسان بیک عسکر قالدی. پاشا بونک اوزرینہ اوچ کیجہ دها مسافر قالسنی خاندن رجا ایتدی. خان اولا تاتار عسکرینک باراوله جغنی ایلری سورہ رک قبول ایتک ایستہمدی. فقط بالناہ پاشانک ابرامنه تحمل ایدہ میہرک موافقت ایتدی. بونک اوزرینہ ملک پاشا وکیل خرجی بوشناق ابراهیم پاشایی حضورینہ چاغیردی.

«بهر کون ایچون ایکیش کرہ تیش یرده طعام حاضرلہ جق، والیش بیک اکمک احضار ایتدیرہ جکسک، بشریوز قوبون، الیش صغیر، اونرآت قولی، یکر میشرآت اتی کباب پیشیرتہ جک، اونر قزغان یحی، اونر قزغان پلاو، اونر قزغان قرنفالی، سسللی ممسک زردہ، اونر قزغان پرنج چورباسی حاضرلہ جقسک. بونلردن بشقه ده تاتارخانه بهریوم اوچ کرہ او توز یرده سباط محمدیلر چکہ جک، هر سباطی ده اوچر یوز صحندن حساب ایدہ جکسک کورہ یم سنی!»

امریی ویردی. بو امر حریفاً اجرا ایدلدی. اوچ کون اوچ کیجہ ضیافتلر، عیش و نوشلرله کچدی. خانک عودت ایدہ جکی کون زورنالر، کوسل دوکیلوب خالمغه و تاتار عسکری ده بربر طورله صوبی کچمک باشلادی.

خان حضرتلری قزینلری، وقبوقوللری برابر اولدینی حالده پاشایه وداع ایدرکن پاشا اولکیلرہ علاوہ خانه خرچراہ اولق اوزرہ بر کینسہ آلتون صوندی.

بش شحامه عنبر خام، اون اوقہ عود مارودی، یوز چفت مقتش قیا سلطان یاغلقلری تقدیم ایتدی؛ بلنه ینہ بر مجوهر زرین کمر و بر خنجر طاقدی، و برقات لبس فاخرایله بر سمور لپاجہ نادر عرض ایلہدی. هدایا تیمورمیش کبی شونلری ده علاوہ ایتدی: تفارق و نوادر قسمندن ذی قیمت بش بوغجه کالای زیبا، آلتون اوانی طاقدن یخوردان، لوله دان، شمعدان، سیم سینی، اون عیدد سیم صحن.

قالقاي سلطانە ، نورالدهر سلطانە ، سفر اغايە برر قات ثياب نظيف ، برر سمور پوستی ، خلعت فاخره احسان و ضميمه اوله رقده برر بوغچه زراندوزر ديبا ، شيب ، زرباف ، چار کوشه لی ، چارباف و هر بوغچه دن قطیقه و کخا و خارا ، دارای ، سرنک ، کچرات زرتاریلری و کوشه دستارلردن برر کولچه ویرلدی .

قالقاي سلطان ، نورالدین سلطان ، وزیر سفر اغانک باشلرینه پاشا کندی ایله برر چنک صونارکن « اوغلارمن سائر سفرلرده ده بوغچه لر کوزدوکک » بویوردی . جمیع میرزالره ، بوی بکترینه ، قاپو قوللرینه ، قراجیلره ، قوشاقلق یوز عدد زردوز ، الی جفت خلعت اوسط ، یوز جفت خلعت ادنا ، یوز یتیش کره که چوقه چپکانلر و خلعتلر کیدیرلدی و کلاب و بخورلرده ویرلدی . . .

۱۴ کانون ثانی ۳۳۲

محمد زکی

ملاحظات خصوصیه

انسانلر ، دائماً ، آکللامادقلری شیرلی تقبیح ایدرلر ، بعضاً آکللامادقلرنی تقدیر ایدر کی کوروندکلری ده کتم جهل ایچوندلر .

§ عشق ایله اختیار اولنان خطالرك شایان عفو اولماسی ، آتشك هر شیشی تصفیه ایتدیکنددر .

§ هر هانکی حسك بقاسنه قائل اولانلر آجی تجربه کورمیه نلردر .

§ سزه ابراز محبت ایدن دن طلب معاونت ایتیکز ، چونکه او دوستلنی غائب ایتک تهلکه سنه

معروض قایلر سکز .

§ اقتدارینه دخالت ایدیلن برر مقبل دریغ معاونت ایتدیکی زمان حسن صیتی ایچون اولسون

خاطر شکن لکدن توقی ایتلیدر و بواثر تربیه بعضاً دخیلی مسؤلی اسعاف اولمش قدر منتدار ایده بیلیر .

§ افعال ایله بیقیلان ، الفاظ ایله تعمیر اولماز .

§ کیزله مکه موفق اولدیغی ایچون قانونك تجزیه ایده مدیکی سیأتی اختیار ایدن بر آدم خلوق

وناموسکار عد اولناماز .

§ برر دوسته تودیع اسرار ایتدی کیز زمان اونك برر کون اولوب ده خصم اولایسه جکنی

دوشونه رك اختیار اعتدال ایدیکز .

§ کندی حقنده دائماً فنا دوشونولدیکنی ظن ایدنلر جداً خطیئه کار اولانلردر .

§ انسانك اك بیوك خصمی علیه ده سویانن سوزلری کندینه تبلیغ ایدنلر .

§ استهزایی اثر ذکا عد ایدنلر چوق ایسه ده حقیقتده یا حسد و یا خود فقدان تربیه محصولیدر .

§ سرگذشتی آلوده سیأت اولانلر دور اقبالنده کندی کی هر کسك ده ماضیسنی اونوتدیغنی

ظن ایدر .

§ حکمت محصنه ، نیک نامدن بشقه ، هر شیئك محکوم زوال اولدیغنی اونوتماقدردر .

§ عشقده آلدانیش یوکسهك روحلری داء الجموده اوغراتیر .

§ غلیظك معامله سنه اك ظریف مقابله آکلادیغنی آکللامق ، حقارت کی صاحبنه اعاده ایتمکدر .

نظر بخت عثمانیه